

SKIPULAGSSKRÁ

fyrir Miðstöð símenntunar á Suðurnesjum.

1. gr.

Miðstöð símenntunar á Suðurnesjum, fullorðinsfræðslu- og endurhæfingarmiðstöð, er sjálfs-eignarstofnun með sérstaka stjórn. Heimili og varnarþing er í Reykjaneshá. Stofnunin ber ábyrgð á skuldbindingum sínum með öllum eignum sínum. Hún er ekki háð neinum öðrum lögaðilum.

2. gr.

Stofnendur Miðstöðvar símenntunar á Suðurnesjum eru Samband sveitarfélaga á Suðurnesjum, Fjölbautaskóli Suðurnesja, félög launafólks á Suðurnesjum, félög vinnuveitenda/vinnuveitendur á Suðurnesjum og Reykjaneshá, sem því til staðfestu undirrita skipulagsskrá þessa. Fjárhagslegar skuldbindingar miðstöðvarinnar eru stofnendum óviðkomandi umfram stofnframlag.

3. gr.

Markmið miðstöðvarinnar eru:

Að efla endur- og símenntun Suðurnesjamanna.

Að efla samstarf atvinnulífs og skóla.

Að efla tengsl grunn- og endurmenntunar.

Að endurhæfa þáttakendur til vinnu.

Að stuðla að auknum lífsgæðum þáttakenda og fjölskyldna þeirra.

Að þáttakandi fari í atvinnu að endurhæfingu lokinni og/eða áframhaldandi nám.

Til þess að ná markmiðum sínum á sviði endur- og símenntunar býður stofnunin einstaklingum, fyrirtækjum og stofnunum námskeið sem ekki heyra beint undir formlegt námsframboð skóla og er hér einkum átt við nám til sjálfseflingar, nám fyrir einstaklinga sem hafa flosnað upp úr formlega skólakerfinu, frístundanám og starfstengd námskeið og námskeiðsraðir. Kennslu skal hagað þannig að hún hæfi fullorðnum.

Til þess að ná markmiðum sínum á sviði starfsendurhæfingar býður stofnunin upp á heildstæða úrlausn á vanda hvers þáttakanda eins og kostur er í samvinnu við félags- og heilbrigðisyrkvöld og mennta- og fræðslustofnanir og aðra hagsmunaaðila á svæðinu. Þáttakandinn skal sjálfur vera virkur í endurhæfingu sinni frá upphafi og koma með virkum hætti að gerð sinnar endurhæfingaráætlunar.

4. gr.

Stjórn Miðstöðvar símenntunar á Suðurnesjum er skipuð fimm fulltrúum til eins árs í senn og fimm til vara. Samband sveitarfélaga á Suðurnesjum tilnefnir einn fulltrúa, Reykjaneshá tilnefnir einn fulltrúa, félög vinnuveitenda/vinnuveitendur, sem aðild eiga að miðstöðinni, tilnefna sameiginlega einn fulltrúa, félög launafólks sem aðild eiga að miðstöðinni, tilnefna einn fulltrúa sameiginlega og Fjölbautaskóli Suðurnesja tilnefnir einn fulltrúa. Varamenn skulu tilnefndir með sama hætti. Stjórnin skiptir með sér verkum.

5. gr.

Stjórn Miðstöðvar símenntunar á Suðurnesjum ber að vinna að markmiðum stofnunarinnar og kemur fram fyrir hennar hönd gagnvart þeim sem veita henni fjárhagslegan stuðning. Stjórnin ber ábyrgð á rekstri, fjárhag og eignum stofnunarinnar. Stjórn ákveður meginþætti í stefnu og starfstilhögun stofnunarinnar og setur sér og stofnuninni starfsreglur. Boða skal stjórnarfundi með tryggi-legum hætti. Stjórnarmaður má ekki taka þátt í meðferð einstaks máls ef málefnið varðar hann persónulega.

6. gr.

Stjórn félagsins ræður forstöðumann og ákveður laun hans og starfskjör. Hún veitir og prókúru-umboð fyrir félagið.

Forstöðumaður hefur með höndum stjórn á daglegum rekstri stofnunarinnar og kemur fram fyrir hennar hönd í öllum málum sem varða venjulegan rekstur. Hann sér um reikningshald og ráðningu starfsmanna. Forstöðumaður skal leggja fyrir stjórn allar ákvarðanir sem teljast óvenjulegar, meiri-háttar og stefnumarkandi. Forstöðumanni ber að veita stjórnamörnum og endurskoðendum allar upplýsingar um rekstur stofnunarinnar sem þeir kunna að óska og veita ber samkvæmt lögum. Forstöðumaður situr stjórnarfundi með málfrelni og tillögurétt.

7. gr.

Tekjur Miðstöðvar símenntunar á Suðurnesjum, auk vaxta af stofnframlagi, eru frjáls framlög frá ríki og sveitarfélögum, tekjur af þjónustu auk frjálsra framlaga frá einstaklingum, fyrirtækjum og samtökum og annars sjálfsaflafjár.

8. gr.

Til þess að stofnunin geti náð megintilgangi sínum er stjórninni heimilt fyrir hönd stofnunarinnar að eiga samstarf við aðra og gerast í því skyni aðili að samstarfssamningi um lengri eða skemmri tíma.

9. gr.

Reikningsár Miðstöðvar símenntunar á Suðurnesjum er frá 1. janúar til 31. desember ár hvert.

Reikningar Miðstöðvar símenntunar á Suðurnesjum skulu endurskoðaðir af löggiltum endurskoðanda, sem skipaður er af stjórn til eins árs. Endurskoðaðir reikningar skulu sendir Ríkis-endurskoðun eigi síðar en 30. júní ár hvert fyrir næstliðið ár ásamt skýrslu um hvernig fé stofnunarinnar hefur verið ráðstafað á því ári.

Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá.

10. gr.

Skipulagsskrá þessari verður aðeins breytt með samhljóða samþykki stjórnar. Skulu breytingar hljóta staðfestingu sýslumannsins á Norðurlandi vestra.

Stofnuninni verður einungis slitið með sameiginlegri ákvörðun stjórnar.

Verði starfsemi Miðstöðvar símenntunar á Suðurnesjum hætt og stofnunin lögð niður skulu eignir hennar renna til eflingar endur- og símenntunar á Suðurnesjum.

Leita skal staðfestingar sýslumannsins á Norðurlandi vestra á skipulagsskrá þessari sem og breytingum sem kunna að vera gerðar á henni.

Við staðfestingu á skipulagsskrá þessari fellur úr gildi eldri skipulagsskrá nr. 1062/2004.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

F.h. sýslumannsins á Norðurlandi vestra, 4. mars 2020,

Björn Hrafnkelsson.

Auður Steingrimsdóttir.